

Broj: 01-2-982/25

Datum: 18.7.2025. godine

ZAPISNIK

Sa 42.(četrdesetdruge) redovne sjednice Nadzornog odbora JU Biblioteka Sarajeva održane dana 22.7.2025.godine (utorak), sa početkom rada u 15:00 sati.

Sjednicu je otvorio i istom predsjedavao Senad Cvrk, predsjednik Nadzornog odbora, konstatujući prisutnost članova Nadzornog odbora u sastavu:

- Senad Cvrk, predsjednik Nadzornog odbora JU Biblioteka Sarajeva;
- Selma Dalipagić, članica Nadzornog odbora ispred kolektiva, opravdano odsutna;
- Vildan Hadžihasanović, član Nadzornog odbora JU Biblioteka Sarajeva.

Sjednici prisustvuju direktorica JU Biblioteka Sarajeva, Merima Lendo i Edhem Kurtić voditelj Službe za ekonomsko-finansijske i opće poslove.

Zapisnik vodi Azra Šabanić, tehnički sekretar.

Nakon što su utvrđene zakonske pretpostavke za efikasan rad i odlučivanje na sjednici, predsjednik Nadzornog odbora je predloženi Dnevni red dao na razmatranje i utvrđivanje kako slijedi:

1. Usvajanje Dnevnog reda;
2. Usvajanje Zapisnika sa 41. redovne sjednice Nadzornog odbora JU Biblioteka Sarajeva;
Prilog: Zapisnik sa 41. redovne sjednice Nadzornog odbora JU Biblioteka Sarajeva;
3. Operativni plan za III kvartal 2025. godine;
4. Zahtjev za raspored ostvarenih spostvenih prihoda (z2);
5. Zahtjev za povećanje budžeta(transfer Američka ambasada u Sarajevu);
6. Razno.

Ad.1

Predloženi Dnevni red je jednoglasno usvojen.

Ad.2

Zapisnik sa 41. redovne sjednice Nadzornog odbora JU Biblioteka Sarajeva je jednoglasno usvojen.

Ad.3

U skladu sa obavjesti Ministarstva finansija Kantona Sarajeva za Operativni plan za III kvartal 2025. godine, dostavljen je tromjesečni finansijski plan (Z1) za mjesec juli, avgust i septembar 2025. godine sa tabelom iz koje su vidljive i jasno naznačene sve potrebne stavke za navedeni period.

Treća tačka Dnevnog reda primljena k znanju.

Ad.4

JU Biblioteka Sarajeva obratila se Zahtjevom za raspored ostvarenih sopstvenih prihoda (Z2) za III kvartal u iznosu od 14.000,00 KM za dvije pozicije na koje je novčani iznos raspoređen ravnomjerno, a to su pozicije Unajmiljvanje imovine , opreme i nematerijalne imovine i Ugovorene i druge posebne usluge.

Četvrta tačka Dnevnog reda primljena k znanju.

Ad.5

Upućen je zahtjev Ministarstvu finansija Kantona Sarajeva za povećanje budžeta po osnovu ostvarenih, a neplaniranih, primljenih tekućih transfera od inostranih vlada, tačnije Američke ambasade u iznosu od 11.875,00KM koji će biti raspoređen na više pozicija. A to su, izdatci za komunalne usluge, izdatci za tekuće održavanje, Ugovorene i druge posebne usluge i nabavka opreme su pozicije na koje će biti raspoređen novčani iznos.

Peta tačka Dnevnog reda primljenja k znanju.

Ad.6

Direktorica JU Biblioteka Sarajeva Merima Lendo obavještava prisutne članove Upravnog odbora o novostima u poslovanju kao i realiziranim aktivnostima, pa navodi:

- Jedna smo od prvih ustanova kulture u Kantonu Sarajevu koja je završila i dostavila plan integriteta izrađen prema novom „Uputstvu za izradu i provođenje plana integriteta institucija javnog sektora u Kantonu Sarajevu“.
- Također smo jedna od prvih ustanova koja je završila izradu Mape procesa i Registra rizika, a što je zakonska obaveza svih institucija.
- Uz konsultacije sa Uredom za borbu protiv korupcije i na temelju sastanka sa Udruženjem izdavača BiH, sačinjen je elaborat i inicijativa za Izmjenu dijela Zakona o javnim nabavkama BiH, a koji se odnosi na prijedlog isključenja primjene istog na nabavku knjiga kada su u

pitanju biblioteke. S obzirom da je trenutno aktuelan rad na izmjenama i dopunama navedenog Zakona, očekujemo da će naša inicijativa biti uzeta u razmatranje.

- Sa Općinom Novi Grad Sarajevo potpisan je ugovor o besplatnom učlanjivanju sugrađana nastanjenih u toj općini. Pravo na besplatne članarine ostvarit će 1000 građana i građanki sa područja ove općine, čime su uspješno nastavljeni projekti poticanja čitanja i učlanjenja u biblioteku sa lokalnim zajednicama na prostoru Kantona Sarajevo.
- Također, Općina Hadžići je, kao i prethodne godine, uvrstila u Budžet novčana sredstva koja predstavljaju podršku JU Biblioteka Sarajeva u vidu besplatnih članarina za dobnu skupinu od 15 do 30 godina građana i građanki sa prebivalištem na pomenutoj Općini.
- Povodom obilježavanja tridesete godišnjice genocida u Srebrenici u prostorijama multimedijalnog centra „Mak“, upriličena je tematska izložba i promocija Bibliografije publikacija o genocidu u Srebrenici iz fonda JU Biblioteka Sarajeva. Izložba je trajala od 7. do 11.7.2025. godine, a Bibliografija će biti objavljena u časopisu Izraz.
- Održan je sastanak sa Ministrom kulture i sporta Kantona Sarajevo, gosp. Kenanom Magodom, a razgovarano je o aktuelnim poslovima i budućim planovima Biblioteke.
- Upriličen je sastanak sa načelnikom Općine Ilijaš, u razgovaralo se o inicijativi OV Ilijaš za pridruživanje biblioteke našoj ustanovi koja trenutno djeluje u sklopu Centra za kulturu Ilijaš i posjeduje cca. 15.000 bibliotečkih jedinica.
- JU „Biblioteka Sarajeva“ bila je domaćin radne posjete gospodina Samira Avdića, predsjednika Komisije za kulturu i sport Skupštine Kantona Sarajevo, gospodina Jasenka Šabotića, direktora JU Kulturno-sportski i rekreacioni centar Ilidža i gospodina Samira Habote, vijećnika OV Ilidža. Tokom posjeta razgovarano je o potrebi pronalaska adekvatnijeg prostora za bibliotečko pozajmno odjeljenje na Ilidži, koje se trenutno nalazi u prostoru bivšeg kina „Igman“. U fokusu razgovora bila je vizija biblioteke kao funkcionalnog i sadržajno bogatijeg prostora, koji ne samo da će zadovoljiti standarde savremene bibliotečke prakse, već će ih i dodatno oplemeniti svojim programskim, edukativnim i kulturnim angažmanom. Pored toga, razgovaralo se i o biblioteci koja djeluje u sklopu Doma kulture u Hrasnici, a koja bi nam se u dogledno vrijeme mogla i organizaciono priključiti.
- Federalno ministarstvo za obrazovanje i nauku, doniralo je Biblioteci Sarajeva vrijedne knjige. Riječ je o odabranim izdanjima stručne literature iz različitih naučnih oblasti, koja će značajno doprinijeti obogaćivanju bibliotečkog fonda i sigurno biti od velike koristi našim korisnicima.
- Ustanova je zaprimila dokument u vidu pisma najave praćenja provođenja preporuka datih u izvještaju od strane interne revizije, a nakon njihove posjete u predhodnom periodu, a kao prilog dostavljen je upitnik o realizaciji preporuka koji je ispunjen i upućen prema Ministarstvu finansija Kantona Sarajevo.
- Prvi put, a prema preporukama Interne revizije, pokrenut je konkurentski zahtjev u postupku nabavke knjiga i to u procijenjenoj vrijednosti 24.000 KM bez PDV-a.
- S obzirom na manjak radnika, u mjesecu julu smo uspjeli obezbijediti rad svih pozajmnih odjeljenja – bez zatvaranja istih. U augustu ćemo najvjerovatnije morati zatvoriti par pozajmnih odjeljenja, ali će korisnici kao i do sada moći koristiti usluge Biblioteke u drugim pozajmnim odjeljenjima, te se zatvaranje ne bi trebalo drastično osjetiti.


- Preseljenje pozajmnog odjeljenja s Vratnika na novu lokaciju u ul. Mula Mustafe Bašeskije je okončano i sve je spremno za otvaranje i početak rada (čekamo samo da prođe sezona godišnjih odmora).
- U toku je inicijativa Biblioteke za dobijanje saglasnosti za zapošljavanje novih radnika.

ZAKLJUČCI:

- Jednoglasno usvojen predloženi Dnevni red;
- Zapisnik sa 41. redovne sjednice Nadzornog odbora JU Biblioteka Sarajeva, jednoglasno usvojen;
- Treća, četvrta i peta tačka Dnevnog reda pojašnjene od strane Edhema Kurtića voditelja Službe za ekonomsko – finansijske i opće poslove te kao takve primljene k znanju;
- Novosti vezane za poslovanje biblioteka predočila direktorica Merima Lendo.

Sjednica je završena u 15,30 sati.

Zapisničar



AZTA SADUNIĆ

Predsjednik Nadzornog odbora



Senad Cvrk